

E estatua di Anne Frank a yega nos isla y ta cla pa wordo desvela



DESPUES di lunanan di trabou intenso y cuido delicado tras di e creacion di e estatua di Anne Frank, Fundacion RESPETA cla, e estatua a wordo empaketa den un caha y transporta

BIDA....semper corda ta orguyoso di por anuncia cu e estatua a yega riba nos isla. E estatua di Anne Frank a wordo crea na Hulanda pa e artista Hulandes di brons, Joep Coppens, kende a uza e mesun proceso pa crea e estatua di brons cu a wordo uza den temponan anciano. Unabes cu el a keda

riba un avion di KLM Cargo pa Aruba, unda e estatua lo wordo desvela na su cas nobo den e centro di Parke Wilhelmina. Fundacion RESPETA BIDA... semper corda a wordo funda pa salvaguardia derechonan di cada miembro di e sociedad Arubano; promove tolerancia, solidaridad, libertad y igualdad di cada conciudadano; y lucha particularmente contra practicanan di: racismo, antisemitismo y xenofobia, cu por lanta cabes atrobe.

E prome hunta di directiva di e

fundacion, consistiendo di Sra. Diana Gonzalez-Pieters como presidente y Sr. Jose Fernandes Perna como vice-presidente; Sra. Martha Goldenberg-Lichtenstein como secretaria y Sra. Shereen de Cuba como tesorero, Sra. Gwenan Boekhoudt, encarga cu Relacionnan Internacional y Asuntonan Special, y Sra. Shade Cybulkiewicz, Relacionnan Publico, ta extendiendo un invitacion habri na e comunidad di Aruba pa forma parti di e ceremonia di desvelo di e estatua, ora cu e solo baha riba dia 12 di Juni, cual porcierto tambe ta e fecha di cumpleaños di Anne Frank. Potretan ta mustra e estatua di Anne Frank den su caha y cla pa subi e avion di KLM rumbo pa Aruba.